

國子監志

卷之九

學志一

學制圖說

古籍

書

第九冊

國子監志卷九

學志

臣等伏惟俊選入太學。昉於成周。踵於炎漢。唐之六館生徒。宋之三舍生。元明之陪堂伴讀。官民監生。皆此制也。我


朝振興八儒雲會。建學舍於太學之南。至八旗子弟。九章算術。皆得造就。各予出身。貴游帖帖。不惟四姓小侯。遠夷于于。非僅西山八國。謹誌學制圖說。建修員額。考校甄用。鄉試五經博士。算




學。勲。廕。外。藩。入。學。十。卷。為。學。志。


學志一

學制圖說



國  
子  
監  
廨  
舍  
圖





國子監公署在都城東北隅崇仁里成賢街署南嚮繚以周垣大門凡三中榜曰集賢門清漢文

左右樹坊各一榜曰國子監清漢文坊左右又樹

坊各一榜曰成賢街清漢文西第二坊在先師廟

西前屏以垣左右設柵欄自集賢門入為太學

門門凡三中榜曰太學清漢文中門常時皆不啓

值

車駕詣學日乃啓之其集賢門之左隅恭立順治元年

世祖章皇帝御製曉示生員清漢文臥碑恭載卷首南

嚮右西偏恭立乾隆二十五年

高宗純皇帝聖諭修葺國子監碑諭旨恭載東嚮明

碑三亦左右列焉附見金石志東西井亭各一

東有大門西嚮額曰持敬清漢文通

先師廟西有大門東嚮舊通射圖西廂東北門曰儲材通

崇聖祠土地祠暨東廂自儀門入東西各有廊房

九間北嚮其北左鼓亭右鐘亭亭北當甬路中

建黃色琉璃牌樓一又北

御碑亭東西各一。中為圓河。疊石為方基。建

辟雍。詳見 辟雍志圖說。後為彝倫堂。堂七間。南嚮。中懸

聖祖仁皇帝御書彝倫堂額。康熙四十五年 頌揭

列聖暨我

皇上勅諭共六道。文均 恭載卷首

世宗憲皇帝御書文行忠信額。額首

題辭曰。學者文行竝重。尤以忠信為本。故孔子垂為四

教。成均造士之法。無踰於此。賜國子監。雍正四年 頌揭

高宗純皇帝御書福疇攸敘額。乾隆五十年 頌揭均南嚮。

皇上御書振德育才額。道光三年 頌揭北嚮。堂前中壁。恭

勒

聖祖仁皇帝御書聖經石刻。正中為

列聖詣學御講座。堂前東南序間為

暖閣。

臨雍日於此更衣用膳。乾隆五十年建 圖載 辟雍志壁間。恭懸

皇上御筆上下致祭行告功禮敬述詩幅。道光九年 詩恭

載卷首西嚮。堂後左右。恭立乾隆六十年。

高宗純皇帝御製說經文石刻十四座。金石志說經文 文恭載

其東南隅。恭立乾隆六十年。

御製石刻蔣衡書十三經於辟雍序清文石刻一座。西

南隅。為漢文石刻一座。金石志 文恭載 堂中一

間。稍分東西。設兼管大臣祭酒司業蒞事公座。

其東一間。開封印信。及進士釋褐行禮於此。後 堂

中壁。錢篆君親師 堂前有露臺。東置 為入監諸

生。及釋褐升拜之所。後堂三間。通敬一亭。堂左

右東西講堂各三間。南嚮。旁各有門。通敬一亭。

東講堂中。恭立雍正五年。

世宗憲皇帝聖諭禮部會試舉人合詞陳謝碑。乾隆十四年

奉 諭旨恭載卷首。西講堂外。古槐一株。

堂中恭勒古槐重榮。

高宗純皇帝御製詩石刻。詩恭載 東講堂之東。

轉而南。廊房三間。屬於東序。西亦如之。東序近

北。為繩愆廳。廳三間。監丞蒞之。博士典簿典籍

亦於此治事。廳後有門。斜對

先師廟右掖西牆門。其南舊為鼓房一間。度鼓。次率

性誠心崇志三堂。助教學正學錄蒞之。堂各十

一間。西嚮。西序近北為博士廳。與繩愆廳相直。其南舊為鐘房一間。度鐘。次修道正義廣業三堂。助教學正學錄蒞之。堂各十一間。東嚮。廳堂均有豎額。清漢文。六堂中。恭立乾隆六十年。

高宗純皇帝御定石經之碑。一百九十座。碑序西由修道堂迤南至廣業堂止。東由崇志堂迤北至率性堂止。末一碑恭刊

聖諭。及進石刻告成表文。諭旨恭載全。石志石經表文同。西隅南嚮。東西序之盡。折而南。即廊房。與儀門竝。後堂

之北。中為敬一亭。亭東為東廂。祭酒司業治事蒞焉。前為大門。中廳三間。左右列

國朝官師題名碑五。前明四。詳見金石志。官師題名碑。廳中祭

酒孫岳頒題額曰進德修業。東西房各一間。後

軒五間。均南嚮。軒外額曰敬思堂。內額北嚮曰

程材毓俊。均嘉慶癸酉。鐵保多山。蔣予蒲善慶德亮朱方增立。正中奉乾

隆十八年。

高宗純皇帝聖諭一道。恭載卷首。諭旨。嘉慶五年。

仁宗睿皇帝聖諭一道。恭載卷首。諭旨。左偏古訓是式額



一。乾隆甲辰蔡新覺羅吉善鄒奕壁嵌老彭觀

井圖銘石刻。銘載金石志諸刻。右偏橫經造士額一。劉

書。東壁南隅業精於勤額一。道光癸巳李宗昉

柏後高安有聯曰。萬國賢才歸首善。千秋教育

重東膠。又曰。立德立言立功。信今傳後。有猷有

為有守。修己治人。均不軒前廂房各二間。東額

曰崇實。西額曰振雅。均祭酒李周望建作記勒

志諸東軒後。又闢屋二間。大門外西嚮屋五間。

為書吏辦事之所。左折而南有門。通儲材門。亭

西為西廂。司業於此蒞任。間為琉球官生學舍。

其大門中廳。及廳左右房。如東廂之制。廳東西

壁。嵌孝經注石刻二。明蔡毅中集注。詳廳前東

西房各二間。後軒五間。南嚮無廂房。大門外東

嚮屋五間。亦書吏辦事所。右折而南。有大門通

射圃。隙地平敞。設亭三間。南嚮。八旗諸生以時

較射於此。署東毗連屋宇二百餘間。書吏阜役

廟戶居之。統屬於監。其署西屋宇三百餘間。隔

牆出署外。為民居焉。

謹案監署左右。前明有號舍環之。延袤共五百餘間。久為民居。乾隆三十四年。工部議監臣德保所奏。監東屋宇二百一間。出入必由署門。不通衢路。請以屋本監書隸廟戶。其監西居宇三百八間。向本有門徑。通衢路者。築垣隔出署外。付內務府經理。竝繪圖造冊。一存工部。一存國子監。其餘閒曠屋宇。均相度情形。準此辦理。

詔從之。

敬

亭


圖

國子監志

卷九

學志一  
學制圖說

十



國子監志

卷九

學制圖說

十

敬一亭。在彝倫堂後。南嚮。五間高二丈六尺。廣七丈四尺。深二丈五尺。餘基高二尺五寸。題曰敬一亭。中間恭立康熙四十一年

聖祖仁皇帝御製訓飭士子文碑。

恭載卷首

文東西分列

御筆榜書碑四。曰高高峻極。曰靈瀆安瀾。曰功存河洛。

曰昌明仁義。均南嚮。後置明御碑七。

附見金石志

碑庭東西廣十三丈三尺。南北深十二丈。繞以

周垣。前為門。題曰敬一之門。門東西復各有門。乃眾所由也。

謹案明太學志亭基舊為齋明所。及格致等號

房嘉靖七年建。

國朝仍其舊焉。


--	--	--	--	--	--	--	--	--	--	--	--	--	--	--	--	--	--	--	--	--

御

書

樓

圖



御書樓在國子監公署東北隅。正樓五間。南嚮。恭設書廚。尊藏。

欽頒經史書籍及貯監版。

武英殿版。東西嚮。廂樓各五間。貯監版。

武英殿版。與正樓同。樓之前為二門。門西小屋數

椽。又前為大門。門均南嚮。繚以周垣。上檐下廊。

庭中植槐。東西各二株。典守者司筦鑰。而以時

啓閉之。其正樓之前。西檐壁間。恭立乾隆二十

四年。

高宗純皇帝勅修

御書樓碑。文載藝文志樓下。恭貯嘉慶十三年。

仁宗睿皇帝御製八旗箴石刻。恭載卷首嘉慶十八年。

御製喜雨山房記石刻。恭載卷首其蘭亭敘刻。顏真卿

爭坐位石刻。元趙孟頫書樂毅論。附刻蘭亭明


王同祖丁香花詩刻。均詳見金石志悉貯焉。

--	--	--	--	--	--	--	--	--	--	--	--	--	--

射

圖

圖








射圃在敬一亭西大門外。隙地平敞。設箭亭三間。南嚮。高一丈四尺。廣三丈五尺。深二丈五尺。月臺高二尺。階三級。八旗官學生以時習射於此。堂上官春秋季考。亦於此較藝焉。南有井三。以備

辟雍池引輸之用。

古槐



古槐在彝倫堂之西講堂階下。元臣許衡手植。老幹不朽。重茁者三四。乾隆十六年。古槐重榮。繚以周垣。二十四年。

高宗純皇帝題圖以詩。監臣勒石講堂正中。

御製國學古槐詩

黌宮嘉蔭樹。遺跡緬前賢。初植至元歲。重榮辛未年。

奇同

曲阜檜。靈紀易林乾。徵瑞作人化。符祥

介壽筵。

辛未歲自大慶。是時槐

聖母六適重榮。

喬柯應芹藻。翠葉潤觚

編。右相非誇繪。

大學士蔣溥釋奠見之。因繪圖并紀以詩。

由來事可傳。

國學古槐一株。元臣許衡所植。閱歲既久。枯而復榮。

當辛未一枝再茁之初。適

慈寧六旬萬壽之歲。槐市諸生。傳為瑞事。大學士蔣溥

繪圖以紀。曾題六韻卷中。監臣觀保等請勒石講堂。

垂示久遠。書以賜之。

請刻

御製古槐詩疏

乾隆二十四年

觀保等

竊惟孝治推恩。庶徵協乎草木。文明敷教。盛事

播於宮牆。規育物之深仁。慶作人之雅化。查太學西講堂前古槐一本。考之帝京景物畧。為元臣許衡手植。年湮代遠。節斷心空。稽諸故老傳聞。未覩發榮滋長。乾隆辛未年。恭遇

皇太后六旬萬壽。普天共慶。四海同春。起視斯槐。欣逢是歲。始而萌芽驟茁。繼而枝葉交舒。涵濡倍捷。於土膏鬱葱。遂甲於槐市。菁莪棫樸。無以喻其發生。朱草華平。未足方斯符驗。是蓋彰

一人之孝感。沐

聖母之春暉。用以錫繁禧而光文運者也。大學士臣蔣溥。以丁祭奉

命行禮。齋宿講堂。察重榮之日月。摩古幹於風雲。繪以成圖。恭呈

御覽。蒙

皇上御製五言六韻排律一章。紀瑞則讓善璇宮。敷藻則騰輝壁水。爛漫星雲之彩。鏗鏘金玉之音。傳誦已徧於園橋。篆刻宜垂諸珉石。伏睹

聖祖仁皇帝御書大學聖經刻石於彝倫堂。我

皇上御製訓飭士子文刻石於率性堂。並皆照耀黌宮。流傳壁府。臣等擬遵此式。敬刊

御製詩於西講堂正中。面臨古槐。以彰協應。仰懇萬幾餘暇。煌煌

宸翰親揮。庶令首善觀瞻。奕奕

天章遠耀。則赤文綠字。燦若琳瑯。鐵畫銀鈎。光於圭壁。

壯儒林之勝概。地靈將物產俱華。集

盛世之休徵。天瑞與人文竝麗矣。臣等謹繕摺請

旨。如蒙

俞允。並請將臣等奏摺附刻下方。以悉原委。俟臣監石

工告竣之日。懇

皇上飭交

御書處。遴選工匠。敬事雕鐫。傳之萬禩。永永無極。



欽


賜

學

舍

圖





學舍。在成賢街南。方家衚衕。分公所六堂。計一百九十間。因在署南。亦稱南學。大門南嚮。懸額曰

欽賜學舍。中為公所。東為率性修道廣業。西為誠心正義崇志。分門出入。直北有複道。後為總門一間。門側房一間。門者處之。門外隙地一區。東西廣二十餘丈。南北長三丈許。周繚以垣。垣中有門。與公廨周垣相對。

公

所


圖



國子監志

卷九 學志一  
學制圖說

三



學制圖說

公所。由南學大門內折而西。南房五間。北嚮。穿堂三間。南嚮。庭有古井。堂之後為隙地。地北為垂花門。門內正中辰廳三間。廳為堂上官查學治事處。中奉乾隆四十四年。

高宗純皇帝清漢文聖諭一道。

恭載卷首

諭旨

廳之後正

軒三間。均南嚮。軒之東廚房二間。毗連修道堂。軒之西。旁啓門以通複道。

率


性

堂

學

舍

圖



率性堂在大門內東偏。前為南房六間。北嚮。北為穿堂三間。中為講堂三間。懸橫額曰率性堂。堂中恭勒乾隆五年。


高宗純皇帝御書訓飭士子文碑。

恭載卷首

文。堂東西耳

房各一間。均南嚮。堂之東旁屋五間半。西四間。堂之前東西序各三間。耳房各二間。東西嚮。穿堂之西。旁啓門以通公所。

修道學舍圖



修道堂。在率性堂北。中為講堂三間。懸橫額曰  
 修道堂。堂東西耳房各二間。俱南嚮。堂之前東  
 西序各三間。耳房各一間。東西嚮。堂之後軒五  
 間。東西耳房各一間半。皆南嚮。軒之前。東西序  
 各三間半。東西嚮。講堂前有垂花門。門之外。西  
 旁啓門以通公所。

誠


心

堂

學


舍

圖




誠心堂在大門內西。前為南房七間。北嚮。東西屋各三間。東西嚮。北為垂花門。門內講堂三間。懸橫額曰誠心堂。堂旁東西耳房各四間。皆南嚮。堂之前東西序各三間。耳房各一間。東西嚮。垂花門外。東廂之中間。啓門以通公所。

正義堂學舍圖









正義堂在誠心堂北。中為講堂五間。南嚮。懸橫額曰正義堂。堂之前東序六間。西序五間。東西嚮。堂西旁一間為穿堂。旁為西屋二間。堂之後東序六間。西序五間。東西嚮。門啓東序之中間。東嚮。以通公所。

崇志堂學舍圖



國子監志

學制圖說




國子監志


卷九 學志一

三


崇志堂。在正義堂北。中為講堂三間。南嚮。懸橫額曰崇志堂。堂之東前後列屋九間。堂之西亦前後列屋十一間。東西嚮。堂之後北房四間。半西夾道北房二間。亦南嚮。庭有古井。東屋前中間。啓門。東嚮。以通複道。

廣業堂學舍圖





廣業堂。在修道堂北。中為講堂三間。懸橫額曰廣業堂。堂之東。耳房四間。西耳房三間半。俱南嚮。堂之前為東前序四間。後為東後序七間。西序六間。東西嚮。西序之中間。啓西嚮門。以通複道。



鑲


黃

旗


官

學

圖



鑲黃旗官學。在安定門大街。圓恩寺衙衙。大門南嚮。門旁屋一間。入門西折而北。為儀門。門左右屋各三間。又北堂五間。南嚮。堂之前東西序各三間。耳房各二間。堂之後。正軒九間。



正

黃


旗

官

學


圖







正黃旗官學。在西直門內。西四牌樓北。祖家街。大門三間。南嚮。門左右各屋二間。北為儀門。門左右各屋三間。又北堂五間。堂後有門。門內後堂五間。後堂之前。東西序各三間。耳房各一間。後堂之北。有講室。左右各五間。屬於兩序。

正  
白  
旗  
官  
學  
圖






正白旗官學。在朝陽門內南小街。新鮮衚衕。大門北嚮。門東屋三間。西四間。南為堂。堂五間。堂東西講室各一間。又南後堂五間。後堂之北。東廂三間。後堂南左右耳房共五間。又講堂三間。在後堂之西牆外。



正  
紅  
旗  
官  
學  
圖



正紅旗官學。在阜城門內。南。巡捕廳衙衙西口。大門南嚮。旁屋九間。北為儀門。門左右屋各三間。又北堂三間。東西廂各三間。東廂之北。南嚮屋二間。西廂之北。東嚮屋四間。堂北講室八間。又北為複道。道左屋再重。各三間。道右屋三間。

鑲

白


旗

官


學

圖






鑲白旗官學。在東單牌樓觀音寺衚衕。象鼻坑。大門三間。南嚮。右屋七間。北堂五間。堂北室三重。各五間。又北屋八間。




鑲  
紅  
旗  
官  
學  
圖






鑲紅旗官學。在宣武門內。頭髮衙衙。大門南嚮。門左右屋共十三間。北為儀門。又北堂五間。東西序各三間。北屋二間。堂西屋三間。堂東屋再重。南嚮二間。北嚮一間。又南為講室三間。西牆外羣舍十三間。

正 藍 旗 官 學 圖





正藍旗官學。在東四牌樓南。新開路。大門南嚮。門西屋八間。北為儀門。門外左右廂各一間。又北堂五間。東西序各三間。堂之旁各有講室三間。東西相嚮。堂後樓五間。左右各翼以樓。竝二間。皆南嚮。

鑲


藍

旗

官

學

圖



鑲藍旗官學。在西單牌樓。乾石橋東斜街。即馬  
 尾巴衙衙。大門西嚮。學堂南嚮。入大門南折至  
 儀門。門左右屋共七間。其北堂三間。西廂三間。  
 東嚮堂之左屋再重。各三間。其南有西嚮屋三  
 間。又南有北嚮屋二間。堂北講室九間。

附元

國子學在

先聖廟西。地遜於廟者十之二。中為國子監。東西六  
 館。自堂徂門。環列鱗比。通教養之區。為百六十  
 有七。雪樓集

國學中之堂為監。前以公聚。後以燕處。旁有東  
 西舍夾之。東西各一堂。以居博士。東堂之東。西  
 堂之西。有室。東室之東。西室之西。有庫。庫之前

為六館。東西嚮。以居弟子員。一館七室。助教居中。以莅之。館南而東而西為兩塾。以屬於門。屋

四周通百間。吳文正公集

謹案元太祖平燕京。從王楸請。設國子學於金

樞密院故署。至元二十四年。乃遷今地。迄武宗

至大元年。監署始成。其堂宇制度。略具於此。

至順三年。富珠哩那兼國子祭酒。國子監有隙

地。在居賢坊。大德中。有司議以建學餘力。築屋

以舍師儒。不果。明年五月。筮日籌工。除地坊北。

畫為四區。區各立屋五間。中三間為居室。旁兩

間為肅官具饗之所。宅之門以東西。門之街以

南北。街北距通衢立大門。街南羨壤。可藝蔬。東

浚井。西置屋。以居隸者。使掌大門之管。安雅堂集

監學積藏經書。宜得重屋以庋。乃於監學之北。

構架書閣。閣四阿。檐三重。度以工師之引。其崇

四常有一尺。南北之深。六尋有奇。東西之廣。倍

差其深。延祐四年夏經始。六年冬績成。吳文正公集

延祐二年。用趙孟頫元明善議。定陞齋等第。六

齋東西相嚮。下兩齋。左曰游藝。右曰依仁。凡誦書講說屬對者隸焉。中兩齋。左曰據德。右曰志道。講說四書課肄詩律者隸焉。上兩齋。左曰時習。右曰日新。講說易書詩春秋科習明經義程文者隸焉。元史選舉志

明

國子監在城東北。正堂七間。曰彝倫堂。元之崇文閣也。中一間。車駕幸學。設座於此。上懸勅諭五通。東一間。祭酒公座。面南。司業座。面西。堂前

為露臺。臺南中為甬路。前至太學門。長四十三尺。車駕臨幸由之。東西為墀。諸生列班於此。後堂三間。東講堂三間。西講堂三間。藥房三間。折而東。為繩愆廳三間。鼓房一間。率性堂。誠心堂。崇志堂。各十一間。西為博士廳三間。鐘房一間。修道堂。正義堂。廣業堂。悉如率性堂制。六堂乃諸生肄業之所。東折而南。為廊房九間。門一間。西亦如之。東西墀。雜植槐柏。共六十四株。太學門三間。外墀。東井亭一。又東為持敬門。以入廟。



自東少北為廣儲門。以通

啓聖祠。土地祠。及典簿典籍掌饌廳倉庫之路。祭酒東廂。亦由此入。西井亭一。又西為退省號門。自西少北為廣居門。以為司業入廂。諸生入號之路。墀內雜植槐柏。共二十株。前為集賢門三間。門前為通衢。東西牌坊各一。題曰國子監衢。牌坊各一。題曰成賢街。彝倫堂後齋明所九間。格致誠正號。每號房計三十七間。嘉靖七年。卽其地改作敬一亭。前為大門。題曰敬一之門。祭

酒廂房。在敬一亭東。司業廂房。在敬一亭西。會饌堂一所。在監東北。典籍廳五間。在饌堂門左。典簿廳三間。掌饌廳三間。退省號。及廣居門之西。為天地人智仁勇文行忠信規矩準繩紀綱法度。凡一十八號。竝退省房三。連福廁各一所。

春明夢餘錄。

國  
學  
志

學制圖說